

REGIONAL NEWS

GST 2.0

Sorkar laipuiin GST rate thar a duan chuan insakna bungraw man tam zawk nghawng lo mahse bungraw thenkhat man tlawm chauh pawhin mipuite nasa takin a chhawk zangkhai dawn tih bungraw zuartuten an sawi.

Insakna bungraw hrang hrang zuartute chuan Akashvani zawhna chhangin an bungrua tam zawk chu GST rate thar in a nghawng loh, a man ngai anga la hralh tur a nih thu an sawi a. A hmaa GST zaa 18 chu bungrua zaa 90 chuangah chuan zaa 18 a la nih chhonzawm zel thu an sawi a. Bungraw thenkhat, leilunga awmsa lakchhuah natural stone - granite leh marble a hmaa zaa 18 ni thin zaa 5 ah a tlakhniam thu an sawi a. Thing tak hmanga siam furniture hrang hrang man pawh a tlakhniam thu leh Choka siamna bungraw thenkhat man a tlakhniam thu an sawi bawk.

Insakna bungrua zingah cement man tlema a tlakhniam thu bungraw zuartute chuan an sawi a. Rod-ah chuan danglamna a awm loh thu leh balu leh brick-ah pawh danglamna a awm lem loh thu an sawi bawk. Electric bungraw zuartute chuan bungraw man tlawm a awm nual dawn thu sawiin , a tlangpuiin bungraw man danglam dawn lo mahse an bungraw thenkhat tlawm ringawt avang pawhin mipuite sum sen tur tam tak a hniam phah dawn tho a ni ati.

<><><>

ANGIKAAR CAMPAIGN

Insak tanpuina, PMAY-Urban chungchang inzirtirna Angikaar Campaign chu Mamit district-ah kalpui mek a ni.

Union Ministry of Housing & Urban Affairs hnuai a khawpui chhung a mi harsa te insak tanpuina Housing for All, PMAY-Urban hi mipui ten zau zawk a an hriat theih nan leh chak tak a kalpui a nih theih nan campaign, Angikaar tia vuah chu Mamit district -ah hian kalpui zel a ni.

Angikaar Campaign-ah hian mite tanpuina tur hmun, hrechiang duh ten an duh duh an zawh theihna tur, 'Help Desk' buatsaih a ni a. Insak tanpuina lo dawng tawh ten harsatna an tawh hrang hrang te an thlen a. Hei bakah hian insak tanpuina dawnga In sa zo tawh, tanpuina la dawng kim lo te an in report bawk a. PM SVANidhi Scheme hmanga khawlaia thil zuar, Street Vendor te tana loan lak theih dan hrang hrang te zawh fiahna hun an hmang bawk a ni.

<><><>

VIKSIT BHARAT

Nimin khan North East Zone Cultural Centre (NEZCC), Dimapur, Ministry of Culture leh Mizoram Art & Culture Department tanghoin ni khat awh "One day painting workshop on Viksit Bharat" an buatsaih.

He lemziah intihsiak thupui chu "Cultural & Tradition " tih a ni. Intihsiak hi hlawm hrang pathumah then niin Professional Category-ah lemziak thiam 21 an tel a, Young Artists/ College student category-ah zirlai naupang 40 an tel a, School Students category-ah school naupang 98 an tel bawk. Tlai dar 4:00-ah lawmman semna leh One Day Painting Workshop on Viksit Bharat khawrna inkhawm hman nghal a ni a. Art & Culture minister Pu C. Lalsawivunga'n a hmanpui ani. Pu C Lalsawivunga chuan lemziak hian thu tam tak a hril theih avangin lemziak mite ropui a tihzia

thu a sawi a. An thiamna te malsawm a nih zel theih na'n an kalna tur zelah duhsakna a hlan nghal a ni.

<><><>

SNPSA

Sorkar laipuiin ram mipuiten hriselna tha an neih theih nana beihpui thlakna Swasth Nari Sashakt Parivar Abhiyaan (SNPSA) a kalpui mekah, Lawngtlai District chuan kawng hrang hrangin hma a la ve mek.

SNPSA hnuaia hmalakna hi tun thla ni ni 17 atanga tannin thla thar ni 2 thlenga hman tura ruahman a ni a. Lawngtlai District chhunga Sub Centre, Health and Wellness Centre, PHC, CHC leh District Hospital ah te hmalak mek a ni. Tunhnaia an hmalaknaah Zirtawpni khan Lawngtlai District, Bualpui NG a Primary Health Centre ah Specialist Camp, naupang doctor hoa buatsaih a ni a. District Hospital Lawngtlaia Paediatrician Dr K Vanlalhriati'n naupang damlo te enin, Bualpui NG Primary Health Centre a Medical Officer Dr R Malsawmtluanga damlo an en a, mi 50 chuang an inentir a ni.

Swasth Nari Sashakt Parivar Abhiyaan hmalakna hi Lawngtlai District chhung hmun hrang hrangah kalpui chhunzawm zel a ni dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.

<><><>

MANN KI BAAT

Prime Minister Narendra Modi-a'n sakhaw kut lo thleng tur lawmnaah ramchhung thil siam chhuah hmang uar turin mipui a ngen. Vawiin Akashvani-a Mann Ki Baat hun a hmannaah he thu hi sawiin Pu Modi-a chuan sakhaw kut pawimawh hman tur a indawt chho thluah dawn a, hetiang boruak karah hian GST Bachat Utsav pawh hman mek a ni, a ti a, mipuite chu ramchhunga thil siamchhuahte chauh hamng tura intiam turin a ngen a, kut lawm chhung hian chenna in chauh tifai lovin khawlai, bazar leh thingtlangah te pawh faina kalpui a pawimawh a ni, a ti.

<><><>